

**ՀԱՐԿ ՎՃԱՐՈՂԻ ԴՐԱՄԱՐԿՂԱՅԻՆ ԳՐՔԻ ՈՒՍՈՒՄՆԱՍԻՐՈՒԹՅԱՆ ԵՎ ԱՐԳԵԼԱՆՔԻ
ԵՆԹԱԿԱ ԱՅԼ ԳՈՒՅՔԻ ԳՈՒՅՔԱԳՐՄԱՆ ՄԱՍԻՆ**

**«ԱԶՈՒՌ» ՍՊԸ-Ի (ՀՎՀՀ՝ 02288121)
ՏՆՕՐԵՆ՝ ԱՐՄԱՆ ԵՐԻՋԱՆՅԱՆԻՆ
ՀԱՍՑԵ՝ Ք" ԵՐԵՎԱՆ, ՆՈՐՔԻ 1ՆՐԲ. 5
ԷԼ. ՀԱՍՑԵ՝**

Հարգելի պարոն Երիջանյան

ՀՀ պետական եկամուտների կոմիտեի նախագահի 02.02.2022թ-ի թիվ ԱՀ 74724 հանձնարարագրի հիման վրա 03.02.2022թ-ին կայացված թիվ 74724 որոշման համաձայն 11.884.425 դրամ գումարի չափով արգելանք է կիրառվել «ԱԶՈՒՌ» ՍՊԸ-ին պատկանող բանկային հաշիվներում առկա դրամական միջոցների վրա: 02.03.2022թ-ին կայացված թիվ 74724/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա, իսկ 03.03.2022թ-ի թիվ 74724/2 որոշմամբ արգելանք է կիրառվել արգելանքի ենթակա այլ գույքի վրա:

ՀՀ հարկային օրենսգրքի 434-րդ հոդվածի 2-րդ մասով և 435-րդ հոդվածի 2-րդ մասով սահմանված՝ հարկային մարմնի պաշտոնատար անձի հայեցողական իրավունքի իրացման /հարկ վճարողի դրամարկղում առկա կանխիկ դրամական միջոցների և այլ գույքի գույքագրում և ի պահ հանձնում, ինչպես նաև մուտքագրված և ելքագրված դրամական միջոցների շարժի ուսումնասիրություն/ նպատակով առաջարկվում է սույն գրությունը ստանալուց հետո եռօրյա ժամկետում դրամարկղային գրքով /առկայության դեպքում/ և այլ գույքի ցանկով /հաշվեկշռային արժեքով/ ներկայանալ ՀՀ ՊԵԿ իրավաբանական վարչություն /ք. Երևան, Սասունցի-Դավիթ 87/ա հասցե, թիվ 401 աշխատասենյակ/:

Տեղեկացնում եմ, որ համաձայն ՀՀ հարկային օրենսգրքի 431-րդ հոդվածի 12-րդ մասի՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու դեպքում արգելանք դնող պաշտոնատար անձը «Վարչական իրավախախտումների վերաբերյալ» Հայաստանի

Հանրապետության օրենսգրքով սահմանված կարգով արձանագրում է խոչընդոտման փաստը, խոչընդոտող հանգամանքները վերացնելու համար աջակցություն ստանալու նպատակով դիմում է իրավապահ մարմիններին և նրանց օժանդակությամբ շարունակում է գույքի նկատմամբ արգելանք դնելու գործողությունները:

ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժնի գլխավոր մասնագետ



Արտակ Գալստյան

հեռ. 010309191 /9195/

03.03.2022թ.